

BUNDEL C: WETSGEDEELTES (EKS 20-45, LEV, DEUT 5)

Inhoudsopgawe

Inhoudsopgawe	2
Die tien gebooië (Eks 20, Deut 5).....	3
Ek bely.....	3
Wees dankbaar	5
Een: Ek is God	6
Twee: Geen beeld van My	7
Drie: Heilig My Naam	8
Vier: Rus.....	9
Vyf: Ma en Pa.....	14
Ses: Geen moord.....	15
Sewe: Die huwelik.....	16
Sewe: Geen egbreek	17
Agt: Geen diefstal	18
Nege: Die waarheid.....	19
Tien: Begeer	20
Dankbaarheid: Gebed	21
Waarom bid?	21
Hoe moet ons bid?.....	22
Onse Vader	23
Ander wetsgedeeltes (Eks 25-40, Levitikus).....	24
Tabernakel	24
Offers	25
Die versoendag	26
'n Nuwe lewe	27
Leef heilig.....	30
Die verbondsverhouding.....	32
Levitikus	34

Die tien gebooe (Eks 20, Deut 5).

Ek bely

Vergewe my dat ek stry
om my sonde te bely.
Gee my die insig
om te lewe in U lig.

As mens is ek stukkend
onder sondelas gebukkend:

Ek het op my geld en goed vertrou,
en so die eerste gebod nie gehou. (Eks 20:3)
Omdat ek nie in vertroue tot U nader,
verwerp ek so My hemelse Vader... (I Joh 2:23, II Joh 1:9)

Ek wil my hoogmoedige godsdiens bely:
Dit is net so erg as die bedrog van afgodery. (I Sam 15:23)
Help my dat my godsdiens sal wees:
Ware aanbidding deur die Vader en Gees. (Joh 4:23-24).

As mense U Naam so misbruik
staan ek stil daarna en kyk. (Lev 5:1, Spr 29:24).
Vergewe my, O God
oortreding van die derde gebod.

U het alles in ses dae gemaak
en op die sewende dag gerus, (Gen 2:2)
maar ek het die rusdag versaak
net nog 'n dag vir my eie taak.

U het gesagsdraers oor my gestel,
maar ek is besig om hulle te skel.
Help my asseblief om te leer
om my vooroordeel te keer.

Selfs wraakgedagtes, sê U Woord,
maak my skuldig aan moord.
My medemens moes beledigings verduur,
Ek gaan verantwoording moet doen in die vuur... (Mat 2:22)

Wat my sondige natuur begeer,
is anders as wat die Gees wil leer. (Gal 5:17)
'n Tempel van die Gees – my ligmaam? (I Kor 6:18-20).
Ag Here, hierdie sonde maak my skaam!

Ek is al weer besig om van U te steel,
want ek is glad nie lus om te deel. (Ef 4:28)
Here God, ek bely dat U weet
hoe ek soms die skaal laat meet... (Spr 11:1)

Here my tong het soos 'n vuur verteer
toe ek my woorde nie kon keer. (Jak 3:6)
Maak met al my valsheid klaar,
sodat mense die Waarheid gewaar. (Ef 4:22-25).

Ek bly ander mense se dinge begeer,
en kan my net nie meer keer:
Ek begin dan allerlei planne maak,
sodat dit later myne raak... (Jer 17:11, Spr 6:2, Deut 7:25, Miga 2:1-5)

Ek kort wysheid om die beproewings te hanteer.
Sal U, o God, my vandag nog leer
om volhardend end-uit aan te gaan
sodat my geloof die toets deurstaan. (Jak 5:1-5)

As mens is ek stukkend
onder sondelas gebukkend.
Kennis van U, die ware God, bring mee
dat ek hierdie sonde vir U seun kan gee.
(Joh 17:3)

U het my van sonde bevry,
daarom vul dankbaarheid my.
Nou kan ek net bely:
Ek het die ewige lewe gekry!

Wees dankbaar

God het my van sonde bevry,
daarom vul dankbaarheid my.
Skielik word my las verlig -
die wet is nou nie meer 'n plig.

Ek wil net één God dien,
afgode wil ek glad nie sien.

Geheilig is sy grote Naam
want Hy vat al my blaam!

Sonder die rus op dag sewe,
kom ek nie meer deur die lewe.

Dis maklik om my ouers te eer.
My vrou is die een wat ek begeer.

Ek kan nie meer my vyande haat
en ander se goed kan my nie baat.

Ek wil nou ander met my woorde eer
en alles binne my wil net God begeer.

Hierdie woorde kom oor my mond,
want Hy maak my deel van sy verbond.

Een: Ek is God

Dit is My eerste gebod:

Naas My, geen ander God! (Eks 20:3)

As jy op iets anders in my plek vertrou,
het jy hierdie gebod nie gehou!

Al lyk gemaakte gode soms pragtig,

Ek is die Skepper: God almagtig! (I Kron 16:26)

Onsedelikheid en gierigheid is ook 'n god,

ja, aardgesindes: Die verderf is julle lot. (Ef 5:5, Fil 3:18-19)

As slaaf van nikswerd gode het ek jou gevind.

Jy is nou my ergenaam en kind. (Gal 4:7-9)

Wie nie in vertroue tot My nader,

verwerp ook so My hemelse Vader... (I Joh 2:23, II Joh 1:9)

Kennis van My, die ware God, bring mee (Joh 17:3)

dat jy , in vertroue, jou hele hart vir My gee.

Dan begin jou hande My wil doen,

want jou hele wese is met My versoen. (Deut 6:5; Matt 22:37).

Twee: Geen beeld van My

Pas op! Die lewe is vir julle op die spel.
Oor julle afgode gaan God die oordeel vel!
Moenie op diere, die son of maan vertrou –
God het dit alles gemaak, onthou. (Deut 4:15-19).

Met wie kan julle God dan vergelyk?
‘n Ambagsman giet ‘n beeld wat mooi lyk,
of kap hom uit hout wat nie vrot,
en so oortree hulle die tweede gebod. (Jes 40:18-20)

Weet julle dan nie hoe het alles ontstaan?
In die hemelkoepel is God op sy troon
Dis soos ‘n tentdoek vir mense om in te woon.
Niemand is soos Hy, moet julle verstaan! (Jes 18:21-25)

In die plek van die heerlike onverganklike God,
stel hulle beelde van onverganklikes as god.
Daarom gee God hulle oor aan die drange van hul hart:
Onsedelike onreinheid en lus wat lei na baie smart. (Rom 1:23-24)

Jy moet eiesinnige godsdiens vermy:
Dit is net so erg as die bedrog van afgodery. (I Sam 15:23)
Maar dit is hoe jou godsdiens moet wees:
Ware aanbidding deur die Vader en Gees. (Joh 4:23-24).

Drie: Heilig My Naam

Ons mag die Naam van die Heer nie misbruik
deur 'n valse eed of vloektaal te gebruik. (Lev 24:11-16, Lev 19:12)
Jy kan ook Sy Naam onteer
deur onnodig te sweer. (Mat 5:37; Jak 5:12).

As ons stilbly as ander dit kwytraak
is ons net so skuldig aan hierdie saak. (Lev 5:1, Spr 29:24).
Ons moet vrees en eerbied vir Sy Naam wys (Jes 45: 23; Jer 4:2)
deur hom met gebed, woorde en werke te prys (Ps 50:15, 1 Tim 2:8, Kol 3: 16-17, 1 Tim 6:
1).

Hierdie sonde is vir God so groot,
Hy beveel om dit te straf met dood. (Lev 24:11-16)
Maar as jy Godvresend in Sy Naam sweer
is dit wel tot God se eer! (Deut 6:13, Deut 10:20, Jes 48:1, Heb 6:16)

Vier: Rus

Toe mylpale my begin druk,
het ek weer dubbel ure geswoeg
om sêlf dinge reg te ruk.
Tyd vir Bybelstudie? Nie genoeg!
Die lewe is 'n gejaag na wind. (Prediker)
Kan mens rus daarbinne vind?

Die antwoorde moet jy soek
in God se ware Boek.
Rus se ware noord
vind ek in U Woord. (Ps 94:13)

God het alles in ses dae gemaak
en op die sewende dag gerus. (Gen 2:2)
En toe Adam die eerste keer ontwaak,
het sy lewe begin met 'n rus!

Adam het hom nie aan die opdrag gesteur
en so is die rus vir ewig versteur...

Uit Egipte se slawerny
het God sy volk uitgelei.
In die woestyn van sy wonders bewus, (Heb 3:11)
was hulle oppad na 'n land van rus. (Deut 12:10)

Die Israëliete kon die rus nie binnegaan.
Die boodskap om hier te verstaan:
Hulle het God se almag nie vertrou (Heb 3:18, Ps 95, Num 13)
en moes dit vir veertig jaar berou!

In die woestyn moes hulle weer
van vooraf rus se lesse leer:

Die tien gebooue se sabbatswet (Ex 20, Deut 5)
het werk op die rusdag belet.
Prakties was hierdie les
dubbeld die manna op dag ses.

Elke sewe jaar moes die lande rus
en die volk van hul afhanklikheid bewus. (Lev 25:21-24)
Die sesde jaar se oes so groot,
dat daar genoeg was vir jaar sewe se brood.

Of jy opstaan en of jy rus,
maak jou kinders van die Woord bewus. (Deut 6:6)

Na veertig jaar was die straf verby
en Josua het die volk in rus ingelei. (Heb 4:8, Jos 14:15 Jos 11:23 21:44)

God het van die nasies met rus gelaat
om so te sien of die volk Hom sou verlaat. (Rig 2:23)
Ag, hoe het hulle weer gefaal
en moes met onderdrukking betaal.

Gideon was van sy afhanklikheid bewus.
Hy noem sy altaar: Die Here gee rus. (Jos 6:23)
Die Here het hom die oorwinning gegee
en so weer rus vir die volk daarmee.

Dawid was van God se belofte bewus.
Wanneer jy by jou voorvaders rus
kan jy maar op my beloftes vertrou:
Ek gee 'n tyd van rus dat jou seun die tempel bou
In sy nageslag sal ek onrus verslaan,
sy koninkryk sal vir ewig staan. (2 Sam 7:11 1 Kron 17:11)

Daarom kon Dawid sing
dat die Here sy herder is
en hom in groen weivelde laat rus
waar Hy nuwe krag bring. (Ps 23)

Selfs die wyse Salomo
het in die beginsel geglo:

Vetrou volkome op die Heer
dan sal hy jou die regte pad leer.
Met die beste uit jou oes moet jy Hom eer,
dan sal jy die voorspoed nie kan keer. (Spr 3:5-10)

Beter 'n stuk droë brood en daarmee rus
as huis vol offermaaltye met getwis. (Spr 17:1 OAV)

Een hand vol rus, my kind
is beter as 'n gejaag na wind. (Pred 4:6 OAV)

Asa het die Here gedien,
en so rus na alle kante toe gesien. (2 Kron 14:7, 15:12, 15)
Maar juis in daardie uur,
versterk hy sy stad se muur!

Josafat gee in vertrouwe gehoor
en stap die vyand tegemoet met 'n koor. (2 Kron 20:20)
God self het die vyand weggevee
en het hom na alle kante rus gegee. (2 Kron 20:30)

Min van die konings was so getrou.
Die profete het gewaarsku vir berou:
Besef dat straf onvermydelik is –
julle sal in ballingskap gaan rus! (Jes 14:3)

As julle julle bekeer
en van rus kom leer,
sal ek julle kom red.
Dit is wat julle het:
Stil word is jul krag,
ja, vertrou in My mag. (Jes 30:12)

Die goddelose is soos 'n onstuimige see,
wat net net eenvoudig geen rus wil gee.
Golwe hou aan slyk en modder stoot.
Geen vrede in jou lewensboot! (Jes 32:18-20)

Jesus rus wel in só boot
en in Sy almag groot,
het Hy die storm bedaar
en rustig verder gevaar...

Hou die heilige dag tot God se eer
en jy vind vreugde in die Heer:
Jou land se opbrengs word net meer. (Jes 58:13,14)

Die kruispad se keuses staan oop:
Vra watter pad is beste om te loop.
So van God se almag bewus,
vind jy in jou keuses rus. (Jer 6:6)

Daar rus 'n vloek en lewe van pyn
as jy jou vertrouwe in mense stel
en jou nie aan My meer kwel:
Soos 'n bossie in 'n klip woestyn...

Voorspoed vir dié wat op God vertrou.
Soos 'n boom by water geplant,
wat wortels uitstoot na waterkant,
wat heel jaar sy blare behou. (Jer 17:5-8)

Die volk het nie gehoor

en so hul rus verloor...

So van God se straf bewus
moet jy nou glad nie rus.
Jy moet die trane nie keer,
bly roep net na die Heer!
Bid dat God se straf sal wyk,
dat jou kinders nie van honger beswyk! (Klaag 2:18,19)

Hy het my 'n gruisklip laat kou.
Hy het alle rus van my weerhou. (Klaag 3:16,17)

Ek sal jou nageslag red,
waar hulle ballinge is.
Hulle wat rondrol in die bed,
gee Ek weer veiligheid en rus. (Jer 46:27)

Die Beskermer is magtig
Sy naam is Here Almagtig
Hy sal Israel weer van rus laat sing
en onrus vir Babel bring. (Jer 50:34)

Van al ons sonde so bewus,
het Hy by ons in 'n krip kom rus.

Die boodskap wat in jou kop moet draai:
Kom na my toe jy wat uitgeput is en oorlaai!
Ek sal jou rus gee dat jy kan begeer,
my sagte juk en om van My te leer!
Jy sal rus kry vir jou gemoed,
want ek sal vir jou sondes boet! (Mat 11:25-29).

Op die Sabbat is hy gekruisig vir elke daad.
My God, my God, waarom het U my verlaat?
Ek kry hier geen rus, (Ps 22:2,3)
Ek word met asyn gesus!

Ook Jesus het so vooruit gegaan
en op die eerste dag opgestaan.
Hy het daarna opgevaar
en werk aan ons rusplek daar.

Bedags nie 'n lig soos die son.
Snags die maan nie 'n bron.
Jou son en maan is Heer,
'n ewige rus om Hom te eer! (Jes 60:19,20 en Op 23:21)

Daarom kan ek saam met die digter sing
oor God se rus my hulde bring:

Van U redding is ek bewus:
Net by God vind ek rus. (Ps 55:3, 62,6)
Omdat ek op U vertrou,
vind ek telkens rus weer gou. (Ps 62:6)

Toe ek gedink het my voete gly,
was U troue liefde altyd by.
As ek met onrus in my binneste dring,
het u vertroosting my tot rus gebring. (Ps 94:19)

Ek moet nou tot rus kom in my bed,
U het my van die dood gered! (Ps 116:8)

Kyk ek terug, was dit nie so erg
dit wat ek toe gesien het as 'n berg.
Ek was net 'n dwaas,
om na wind te haas!

Ag, Here help my onthou,
om op U alleen te vertrou.

Ek bekommer my nie oor dinge vandag.
Ek het by U rus en kalmte gevind,
soos in moedersarm, 'n tevrede kind!
Ek sal nou en vir altyd op U wag. (Ps 131)

Soek jy aardse rus?
Bly dan hiervan bewus:
As jy in God bly glo,
is daar 'n ewige rus daarbo! (Heb 4:9)

Jy rus op aarde so:
Bly net in Jesus glo.
Jy rus van jou werk,
deur in Hom te rus, onbeperk! (Heb 4:10)

Vyf: Ma en Pa

My oë het nie donker kringe,
ek is nie besorg oor groot dinge. (Ps 131:1)
Op Moedersdag het ek vrede
en hierdie is die rede:

In my kinderdae het my ma
my met rus en kalmte gedra, (Ps 131:2)
en so my die beginsel geleer
om tevrede te wag op die Heer... (Ps 131:3)

Pa se liefdevolle gesag,
bepaal vandag my gedrag.
Tot vandag in jou grysheid,
deel ek in die wysheid.

Jou voorbeeld bring my nader
aan my hemelse Vader,
Ja, ek het as kind
deur jou ware lewe gevind.

Ses: Geen moord

God het die mens na sy beeld gemaak,
daarom word moord met dood gewraak. (Gen 9:6)
Neem jy doodslaan as jou reg,
sal jy verantwoording doen voor die gereg. (Mat 5:21, Rom 13:4)

Is jy sonder rede vir jou broer kwaad,
is jy ook skuldig aan hierdie daad!
As jou broer jou beledigings moet verduur,
gaan jy verantwoording moet doen in die vuur... (Mat 2:22)

Jy moet jou wraak gedagtes keer:
"Ek sal vergeld!", spreek die Heer. (Rom 12:19).
God se vergifnis bring die ewige lewe,
daarom moet jy jou broer van harte vergewe. (Mat 18:35)

God se vergifnis was gratis en verniet,
maak daarom jou gees en gedagtes nuut. (Ef 4:23)
Moenie dat kwaad jou vergesel na jou bed (Ef 4:26)
nee, liefde is die volle uitvoering van die wet. (Rom 13:10)

Sewe: Die huwelik

Die vroegste geskiedenis het vertel
die huwelik is deur God ingestel:

Dis nie goed die mens is alleen:
Ek sal hom met 'n gelyke seën. (Gen 2:18)
'n Man sal sy vader en moeder verlaat
om met sy vrou te lewe in huwelikstaat. (Gen 2:23-24)

Hierdie is die geheimenis onbeperk:
Die huwelik wys op Christus en die kerk. (Ef 5:31-33)

Ek maak jou My bruid
vir ewig en altyd.
Ek bind jou deur my onverbreekbare trou.
Lewe daarom in liefde getrou. (Hos 2:18-19)

Jou Bruidgom is besig om plek gereed te maak.
Wees waaksaam dat jou olie nie op sal raak... (Mat 25:1,13)

Sewe: Geen egbreek

Moenie eers 'n begeerte oorweeg
want dan het jy al egbreuk gepleeg. (Mat 5:27-28)
Selfs as jy sonder liefde in die huwelik bly,
is hierdie gebod reeds oorskry.

Hoewel die gebod wil dat jy egskeiding vermy,
kan jy die volgende riglyne kry:
Jy kan jou ander helfte verlaat
as hy hom begaan met owerspel as daad. (Mat 19:9-3)

As 'n ongelowige wil skei,
laat hom dan sy wens kry,
maar van jou kant af moet jy probeer
om Hom tot God te laat bekeer (I Kor 7:9-16).

Jy moet nie seksueel losbandig wees:
Jou liggaam is 'n tempel van die Gees! (I Kor 6:18-20).
Nee, wees in alle opsigte getrou
aan haar, jou enigste vrou. (Heb 13:4)

Growwe, ligsinnige en vuil taal
laat jou ook in ander dinge vaal... (Ef 5:3-4)
Bly weg van slegte vriende met 'n rede:
Slegste geselskap bederf goeie sede. (I Kor 15:33)

Wat jy ook moet verstaan,
is as jy jou met drank te buite gaan,
gaan jy makliker losbandig wees...
Vervul jou eerder met die Gees! (Ef 5:18).

Agt: Geen diefstal

As iemand 'n dief is, moet hy ophou steel.
Deur harde werk moet hy geld verdien
dat hy in sy lewensonderhoud voorsien,
dan kan hy ook met die armes deel. (Ef 4:28)

Pasop as jy te veel wil kry,
word jy in versoeking gelei.
Vlug liever daarvan weg
en leef in toewyding God se weg. (I Tim 6:9-11)

Jy kan vandag die laaste asem uitblaas...
Kan jy nie sien jou gejaag is dwaas?
Dit help nie dat al die skatte so pryk
en by God is jy nie ryk. (Luk 12:20-21)

Rentmeester, let mooi op:
Die aarde en alles daarop,
die see en alles daarin,
ja, alles is die Here sin. (Ps 24:1).

Oor twee munstukke was jy getrou,
kom deel in My vreugde nou.
Die een munstuk het jy begraaft:
Jy is 'n slegte en lui slaaf! (Mat 25:23-26)

Maar waarvan beroof ons U?
Julle bring nie julle tiendes nie!
Kan Ek die hemel vensters oopmaak? Toets My
en kyk wat se seën wat jy dan kry... (Mal 3:8)

Onthou: God weet
as jou skaal so verkeerd meet... (Spr 11:1)
As jy meer vat as jou deel
is jy ook besig om te steel. (Luk 3:12-14)

Wie het die reg om by U te woon?
Hy wat hom nie laat omkoop vir loon,
wat sy woord hou al lei hy skade.
Ja, wie die agste gebod wys in dade! (Ps 15:1,5)

Nege: Die waarheid

God het die negende gebod gegee:
Jy mag nie vals getuienis gee (Ex 20:16).

Die slang wou van Eva weet:
“Mag julle nie van die vrugte eet?” (Gen 3:1)
So het die vader van die leuen (Joh 8:44)
hul ontnem van die paradys se seën.

Die Satan verklaar die stryd
teen geloof in die waarheid.
Jesus het self verklaar:
“Ek is die bron van alles waar.” (Joh 14:6)

Uit die see kom daar ‘n dier
Om mense te kom verlei, ook hier.
As hulle maar net die leuen wil glo,
kan ons keer dat hulle gaan na bo... (Op 13:13-14)

Maar daar kom ‘n finale uur
wat die leuen bestem is vir die vuur.
Die wat dan steeds glo,
het toegang na Hom daarbo. (Op 20:10)

Sy Woord is betroubaar en waar: (Op 21:5)
Daarin word die waarheid verklaar.
Die gebrek aan wat jy daarvan weet,
is die rede vir al jou leed... (Hos 4:6, 1953).

Voorheen is jy deur die leuen verteer,
maar nou het jy die waarheid geleer.
Maak met alle valsheid klaar,
sodat mense die Waarheid gewaar. (Ef 4:22-25).

Jou tong kan soos ‘n vuur verteer,
as jy nie jou woorde kan keer. (Jak 3:6)
Maar daar waar dit liefde verklaar,
is daar vreugde oor alles waar. (I Kor 13:6)

Tien: Begeer

Wat die tiende gebod leer,
is: "Jy mag nie begeer." (Ex 20:17)
Wees versigtig wat in jou hart omgaan,
want dit bepaal jou hele lewensbaan. (Spr 4:23)

Wat ons sondige natuur begeer,
is anders as wat die Gees wil leer. (Gal 5:17)
Die wêreldse dinge wat ons so begeer,
kom nie van ons Vader en Heer. (I Joh 2:16)

Wanneer jy ander mense se dinge begeer,
kan jy jou later net nie meer keer:
Jy begin dan allerlei planne maak,
sodat dit later joune raak... (Jer 17:11, Spr 6:2, Deut 7:25, Miga 2:1-5)

Moenie jou onstel oor skelms wat steel,
hulle goen gras gaan vinnig vergeel...
Vertou liewers op die Heer:
Hy sal jou gee wat jou hart begeer.
Woon en werk rustig voort,
vertou dat Hy jou bring na sy poort. (Ps 37:1-5)

Wat jou hart eerder moet begeer
is ware godsdiens tot Gods eer. (Jes 1:13, Amos 6:4-8, Luk 11:39-42)
Ek, die Here, deurgrond jou hart en verstand.
Ek vergoed opregte dade uit jou hand. (Jer 17:10).

Ek het Sion gekies, sê die Heer:
Dis waar Ek my woonplek begeer!
Dis my rusplek waar ek wil woon
en die wat op My vertrou beloon. (Ps 132:13-15)

Dankbaarheid: Gebed

Waarom bid?

Here, ons Here, hoe wonderbaar is u Naam oor die hele aarde
hoe glansryk die hemelruim – U Naam is van onskatbare waarde! (Ps 8:2)
U kyk uit die hemel om te sien of daar iemand is wat na U wil vra
maar almal het gesondig, en sal die die straf moet dra... (Ps 14:2-4; Rom 3:11,19, Jer 14:9-14)

Waarheen sou ek gaan om u Gees te ontvlug?
Vir U die alwetende is duisternis so goed soos lig!
Klim ek op na die hemel, is U daar,
wat ek gaan doen weet U al klaar. (Ps 139:7-12)

Ek bid vir vergifnis deur die krag van die Heilige Gees. (Jud 1:20)
In swakheid weet ek nie wat in my gebed moet wees,
maar die Gees se versuggende pleitrede maak die verskil:
Hy pleit vir my by God, wat harte deurgrond, volgens Sy wil. (Rom 8:26-27)

In ons land is gebed so nodig in hierdie uur
net soos die tyd toe U Jona na sy vyand toe stuur.
Die mense van Nineve het hul biddend bekeer
en U het die komende ramp gekeer! (Jona 3:7-10)

Hier waar ek op my knië voor U staan,
bied ek my gebed as wierook offer aan. (Ps 141:1-2)
O God, laat U engele die wierookbakke volmaak
en dit uitsort op die aarde vir die uitvoering van U taak. (Op 8:2-5)

Hoe moet ons bid?

Moses het goed verstaan
waaruit gebed moet bestaan:

Here, U was 'n toevlug van geslag tot geslag.
Ja, U was God nog voor die eerste dag!
U laat die mens sterf - hy kan dit nie vermy,
maar duisend jaar is vir U in 'n oogwink verby! (Ps 90:1-5)

Ons lewe maar omtrent net sewentig jaar,
waarin ons baie swaarkry en leed vergaar.
Leer ons om in dié dae wysheid te verkry,
dan ons sal juig as ons U liefde kry! (Ps 90:10-14)

Selfs as Jesus in gebed nader,
spreek hy God aan as Vader. (Joh 17:1)

Hy het God vir ons kom openbaar
ons moet Sy woorde aanvaar. (Joh 17:5)
In Getsamené word Jesus ook stil:
"Laat die lydenspad gaan soos U wil..." (Mat 26:39)

So, sorg dat jou gebed,
dié ware kenmerke het:

Bid tot God soos Hy hom in Sy Woord openbaar.
'n Opregte eerbied sal jou selfkennis verklaar. (Ps 51:19, Jak 4:2-3)
Bid na Sy wil en vertrou Hy verhoor al klaar. (Joh 14:13-14, I Joh 5:14-15)

Onse Vader

Dankie dat ek tot U mag nader
in innige gebed as “onse Vader”.
Dis in U wat ek vashou en glo:
U, die verhewe God daarbo... (Mat 6:9)

Gee dat ons U reg mag ken en dien
en die heiligheid van U Naam sal sien.
Dis eers as ons U heiligheid verstaan,
wat ons nederig op ons knieë kan gaan. (Mat 6:9)

Laat elke mond verstom
as U, U koninkryk laat kom.
Bewaar en vermeerder U kerk:
Vernietig tog die Satan se werk! (Mat 6:10)

By Getsemané het Jesus U wil laat geskied
en so aan die kruis Sy bloed vir my vergiet! (Luk 22:42)
Wat ek vir myself probeer doen is verniet,
laat U wil daagliks in my lewe geskied! (Mat 6:10)

Dankie dat ek vir my daaglikse behoeftes mag vra. (Mat 6:11)
Vergewe my as ek net daarvoor bekommer en kla. (Mat 6:25-26)
Laat ek my liewer versadig uit U Woord (Deut 8:3)
en my dors les uit die Gees se boord! (Joh 14:13)

Die Satan lees my swakheid soos ‘n boek (Mat 6:13)
en weet presies waar om my te versoek... (Jak 1:13-14)
Ek bid dat U my daarteen sal bewaar
want sonder U oortree ek al klaar! (Mat 26:41)

U het my sonde vergewe en my met God versoen
daarom wil ek uit dankbaarheid dit aan ander doen. (Mat 6:11)
As ek voel dat ek alleen in swakheid swoeg,
bevestig U: My genade is vir jou genoeg! (II Kor 12:9)

Want aan U behoort die koninkryk en krag
tot in ewigheid, maar ook hier vandag! (Mat 6:13, 1953)
Hierdie gebed verlig nou die druk en las,
want “amen” beteken: Dit is waar en vas!

Ander wetsgedeeltes (Eks 25-40, Levitikus).

Tabernakel

Die volk het 'n tabernakel gebou.
By voltooiing het God daarvan gehou.
'n Wolk het die Allerheiligste omhul,
so is dit met Sy teenwoordigheid gevul.

Jare later was die tempel voltooi.
Binne was dit rein, heilig en mooi.
Weer het die wolk die tempel omhul
en met God se teenwoordigheid gevul.

Jesus se doop bewys Hy is rein:
Gereed vir God's werk, al was dit pyn.
Daarom het God se stem Hom omhul
en is Hy ook met die Gees vervul.

Jesus het die voorhangsel laat skeur
en nou kan ek ook daardeur
toegang kry tot die Heiligdom
en toetree in gebed tot Hom.

Deur sy offer in die heiligdom
is my sonde vergeef deur Hom.
Hy het my met Sy heiligheid omhul
en daarom kan die Gees my vervul.

Ek is dus 'n tempel van die Gees
en so kan God elke dag by my wees,
totdat Hy weer op die wolke kom,
om my te neem na Sy heiligdom!

Offers

Sondeloon bring die dood mee, (Rom 5:12)
daarom moes offers versoening gee:

Kom deur die tent van ontmoeting se hek
met 'n dier sonder liggaamsgebrek.
Voor die priesters die dier verbrand,
dra jou sonde na hom oor met jou hand. (Lev 17:1-4)

Die dier sal vir jou sonde vergoed
en reinig jou met sy bloed. (Lev 17:1)
As jy dit alles so doen,
word jy met God versoen. (Lev 17:5-9)

Offers met ongeregtigheid daarmee saam,
verafsku God en dit verwyder nie die blaam.
Hy verwag 'n gesindheid van ware berou
van mense wat op Hom vir genade vertrou. (Amos 5:21-25, Jes 1:11-13)

Ons is sondig en vol venyn,
maar deur Sy finale offer en pyn,
het Hy vir ons voor God verskyn
en is ons nou innerlik rein.

Christus se bloed is vir ons vergiet
en so kry ons vergifnis verniet.
Deur Hom het ons vergifnis verdien
en daarom kan ons Hom nou dien! (Heb 9:12-15)

Die versoendag

Dis hoekom ek priesters aangestel het:
Ek het jou eersgeborenes in Egipte gered. (Num 3:41)
Die Leviëte moet in My diens staan,
offers bring en die volk My laat verstaan.

Niemand mag in die Allerheiligste gaan
Net die hoëpriester kan daar staan.
Versoeningsdag is net een keer per jaar
om daar die volk se sonde te verklaar. (Lev 16:2,34)

Sy drag moet gewyde linneklere wees
en daarmee saam offer hy 'n bees.
As hy inloop moet Ek klokkies hoor
en die stene met die stamname voor. (Eks 28:12,29,31-35)

Aäron moet oor twee bokke loot
Vir God sterf een met 'n offerdood.
Die sonde word op die ander oorgedraag
en hy word in die woestyn ingejaag. (Lev 16:20-22)

Gooi wierook op die kole bak
sodat 'n wolk oor die ark kan sak.
Reinig die Allerheiligste met bloed
om so vir die volk se sondes te vergoed. (Lev 16:11-16)

Ons het ook 'n Hoëpriester wat ons red:
Een sonder sonde en sonder smet!
Hy het net een offer gebring
en so die Allerheiligste binne gedring. (Heb 7:23-28, Heb 9:7-12))

Die voorhangsel is geskeur
en ek kan nou ook daardeur!
Ek kan nou toetree in gebed
Om God te dank vir wat ek het.

'n Nuwe lewe

Die water loop in die Dooie see,
maar dis water wat nie lewe gee:
Vrugtebome groei gulsig,
maar gee vir niemand van hul vrug...

Here as ek my in hierdie beeld so sien,
weet ek dat ek U straf verdien...
Wat kan ek tog dan doen
om my weer met U te versoen?

*My seun, die tempel is die begin -
daar moet jy oor alles gaan besin.*

Ek sal self moet sien om te verstaan,
maar net die hoëpriester mag ingaan?

*Sien jy die voorhangsel is geskeur?
Ek nooi jou in: Stap daardeur!
Wat hier in die Allerheiligste staan,
is lewensbelangrik om te verstaan.*

O God, hier is net een ding hier -
die ark, met prysende serafs versier?

*Dis al wat jy nodig het vir jou kuur:
Die Verbondsgod self is hier!*

O God, ek sal U graag self wil sien
en gee My U Naam dat ek U kan dien?

*Moses het My dit ook gevra:
"Ek is", is die Naam wat ek dra.
Jy sal My beter sien en verstaan
as jy die ark se deksel oopslaan.*

Aäron se staf met die blom,
kliptafels geskryf deur Hom
en manna bewaar in 'n kom.
Ek sien U nog nie, is ek dom?

*Die kliptafels is My Woord,
Soek daarin die "Ek is" antwoord.
Dié Woord het op aarde kom woon - mens geword.
"Ek is die wingerdstok, wat wyn as bloed kom stort"*

*Aäron, as hoëpriester, se toegang is uitgedaag -
die bloeisel aan sy staf wys wat Ek behaag.
Een Hoëpriester het gekom om die gordyn te skeur,
aanvaar Hom as "Ek is die weg na God, die deur."*

*Manna het Ek uit die hemel laat reën
vir die uitgedor en honger volk tot seën.
Ek is die Brood van die Vader daarbo,
vir jou gebreek: Neem, eet gedenk en glo.*

*Kan jy My Seun se woorde onthou:
As jy hierdie tempel op die grond afbreek,
sal Ek dit in drie dae weer bou.
Met die bedoeling Ek sal die graf oopbreek.*

*As jy My Seun, as die tempel, só sien,
kry jy My, die Ark, se genade onverdien:
Die drie dinge in die Ark vertel: Jy is vergewe,
want Ek is die weg, die waarheid en die lewe.*

*Jou ou hart van klip gaan nou wees
'n warm hart van liefdesvlees.
Ja, 'n tempel van die Heilige Gees
om stromende lewende water te wees.*

*In die Allerheiligste van die tempel val ek neer,
dit was gevul met die teenwoordigheid van die Heer!
Hierdie is die plek van U troon,
waar U tussen U mense woon!*

*Eers toe ek ek uitloop het ek gewaar:
In die Heiligste hang 'n kandelaar
met sewe altyd brandende ligte daar.
"Ek is die Lig" wat duisternis opklaar.*

*Die offer altaar, wat na ou bloed ruik,
staan nutteloos, ongebruik.
Ek is die Lam, vir jou geslag,
jy kan nou vlekkeloos vir My wag!*

*By die tempeldrumpel se oostekant
het water gesyfer uit die sand.
Vyfonderd meter weg was dit enkeldiep.
Nog vyfhonderd meter verder kniediep.
Nog vyfhonderd verder was dit by my heup.
Vyfhonderd verder en dit het my weggesleep.*

Die water het alles laat lewe,
die Dooie see van vis laat bewe!
Bome so vol vrugte, hul takke kraak
met blare wat mense gesond maak.
Elke maand begin die die bome weer bot,
want die water se oorsprong is van God.

Aanvaar die Weg, die Waarheid en die Lewe
So kan jy weet: Jou sonde is vergewe!
Deur Hom kan jy leer hoe om God te eer
en van dankbaarheidsvrugte te floreer.

Leef heilig

Ek het alles in die heelal gemaak
en is verhewe, uniek en volmaak.
Ek, die heilige God, het jou bevry:
Jy is nou afgesonder vir my. (Lev 19:2)

Wat heiligheid van jou vra,
is eerbied vir jou ma en pa.
Ek is die Here julle God,
leef heilig volgens My gebod. (Lev 19:3)

As jy my as enigste God sien,
mag jy nie ander gode dien.
Ek is die Here julle God,
leef heilig volgens My gebod. (Lev 19:4)

Wanneer julle oes op die land,
los korrels vir die arme se hand.
Ek is die Here julle God,
leef heilig volgens My gebod. (Lev 19:9-10)

'n Valse eed ontheilig my Naam,
lieg en bedrieg gaan daarmee saam.
Ek is die Here julle God,
leef heilig volgens My gebod. (Lev 19:11-14)

Wees onpartydig in elke saak
en nie onregverdig in regs se praak.
Ek is die Here julle God,
leef heilig volgens My gebod. (Lev 19:15-16)

Jy moet jou naaste vergewe
en hul liefhê soos jou lewe.
Ek is die Here julle God,
leef heilig volgens My gebod. (Lev 19:17-18)

Die eerste opbrengs van jou boord
is vrugte wat aan My behoort.
Ek is die Here julle God,
leef heilig volgens My gebod. (Lev 19:24-25)

Jy moet heidense gebruike vermy.
en nie jou liggaam met hul merke sny.
Ek is die Here julle God,
leef heilig volgens My gebod. (Lev 19:26-28)

*Jy moet die tempel heilig hou
en ook die Sabbatswette hou.
Ek is die Here julle God,
leef heilig volgens My gebod. (Lev 19:26-28)*

*As jy besef dis ek wat jou dra,
sal jy nie hulp by waarseërs vra.
Ek is die Here julle God,
leef heilig volgens My gebod. (Lev 19:31)*

*As jy eerbied en respek het vir My,
sal jy respek vir oumense ook kry.
Ek is die Here julle God,
leef heilig volgens My gebod. (Lev 19:32)*

*Wanneer 'n vreemdeling by julle woon
moet julle hom soos 'n medeburger beloon.
Ek is die Here julle God,
leef heilig volgens My gebod. (Lev 19:33-34)*

*Gebruik 'n betroubare skaal
as julle weeg en inhoud bepaal.
Ek is die Here julle God,
leef heilig volgens My gebod. (Lev 19:33-34)*

*Ek is die Here wat bevry.
Ek heilig julle aan My.
Julle moet My voorskrifte leef
en so na heiligheid streef. (Lev 20:7,8).*

Die verbondsverhouding

As slawe het julle gesmeek
en ek het die juk gebreek.
Ek is die Here julle God,
hou daarom my gebod: (Lev 26:13,46)

Wat ek van jou wil sien
is dat jy nie afgode dien
Jy moet die sabbat nie versteur
en ook my heiligdom eer. (Lev 26:1-2)

As julle My voorskrifte nakom,
sal julle, julle oor die gevolge verstom:
Ek sal julle in oorvloed seën,
en dit op die regte tyd laat reën. (Lev 26:3-4)

Ek sal vrede gee in julle land,
jul vyand gee ek in jul hand. (Lev 26:6-7)
Julle eet nog vorige seisoen graan,
dan kom die nuwe oes al aan! (Lev 26:10)

Ek sal nie 'n afsku in julle kry
en sal altyd by julle bly.
**Ek sal julle God wees
en julle sal My as volk vrees.** (Lev 26:10)

*As julle nie na My luister,
en my voorskrifte verduister,
en julle My verbond verbreek,
sal Ek my so op jul wreek:* (Lev 26:14-15)

Ek sal julle lewe vol angs maak
Ek sal julle siek en blind laat raak.
Julle sal tevergeefs werk en saai
want ek sal My rug op jul draai (Lev 26:16-17)

*As julle hierna nog nie na My luister,
en my voorskrifte steeds verduister,
en julle My verbond verbreek,
sal Ek my nog verder op jul wreek:* (Lev 26:18)

Alles waarop julle so staatmaak
sal ek eenvoudig laat wegraak.
Harde werk sul julle nie baat:
Julle sal plant sonder resultaat! (Lev 26:19-20)

*As julle hierna nog nie na My luister,
en my voorskrifte steeds verduister,
en julle My verbond verbreek,
sal Ek my nog swaarder op jul wreek: (Lev 26:21)*

Julle sal die straf moet verduur,
as Ek sal roofdiere na julle stuur
So sal ek julle veetroppe uitroei
En julle kinders dood laat bloei... (Lev 26:22)

*As julle hierna nog nie na My luister,
en steeds my voorskrifte verduister,
en julle My verbond verbreek,
sal Ek my nog swaarder op jul wreek: (Lev 26:23-25)*

As jul veiligheid soek agter die stad se muur
bring ek pes dat jul wil oorgee in die uur.
dan word tien mense se meel,
skaars genoeg vir een se keel... (Lev 26:25-26)

*As julle hierna nog nie na My luister,
en steeds my voorskrifte verduister,
en julle My verbond verbreek,
sal Ek my in woede op jul wreek: (Lev 26:27-28)*

Julle sal die vleis van julle kinders eet,
so swaar sal dit gaan, moet jul weet!
Ek sal julle lyke op julle lewelose afgode gooi
en julle na die heidennasies toe verstrooi. (Lev 26:29-33)

Julle land sal verlate lê en die stede kaal
sodat dit die sabbatsjare in kan haal. (Lev 34-35)
Die wat oorbly sal van spanning vergaan.
Hulle sal vlug al is daar nie vyand agter hulle aan. (Lev 26:36-38)

As die oorblyfsel dan kom na My
en hulle sonde erken en bely,
dan eers sal Ek my versag
en word My beloftes weer van krag. (Lev 26:39-42)

Na die volle sewentig jaar,
sal ek die ballinge weer vergaar.
**Ek sal weer hulle God wees
en hulle sal my as volk vrees.** (Lev 26:43-46)

Levitikus

Vrees God, Hy is heilig.
Voor Hom is jy onveilig.
Jou sonde sal Hy straf-
jy sal brand ná jou graf!

Is daar 'n pad na Hom?
Kan jy na Hom toe kom?
Hy het diere offers gegee
om alle sonde weg te vee.

Dis 'n skaduwee van Hom -
Sy kruis was die volle som.
Sy offer was so volmaak
dat almal vry kon raak.

Pleit vir die mens, so onvolmaak
was die Hoëpriester se jaarlikse taak.
Hy het die Allerheiligste ingegaan
om verootmoediging's weg te baan.

Jesus, as mens, só volmaak
Hy was die Enigste vir die taak
Die voorhangsel is geskeur
Ons het nou toegang daardeur.

Afgesonder vir God,
leef ons na Sy gebod
Ja, ons is nou geheilig
voor God is ons nou veilig!

Wees gerus, na jou graf,
gaan Hy jou nie meer straf.
Jesus het vir jou betaal
en Hy gaan jou kom haal!